



**GARBITANIA ZERO ZABOR S.M.k USURBILGO UDALERRIAN SELEKTIBOKI
JASOTAKO EGURRAREN BILKETA ETA GARRAIOAREN ZERBITZUA
KONTRATATZEKO ADMINISTRAZIO-KLAUSULA PARTIKULARREN AGIRIA**



Aurkibidea

I. kapitulua.- XEDAPEN OROKORRAK	4
1.- KONTRATUAREN XEDEA.....	4
2.- KONTRATUAREN IRAUPENA.....	4
3.- KONTRATUAREN BALIO ZENBATETSIA	4
4.- LIZITAZIO PREZIOA	4
5.- ORDAINTZEKO ERA.....	4
6.- PREZIOEN BERRIKUSTEA	4
7.- BEHIN BETIKO BERMEA.....	5
8.- KONTRATUAREN ARAUBIDE JURIDIKOA ETA JURISDIKZIO ESKUDUNA	5
9.- KONTRATATZAILEAREN PROFILA	5
II. Kapitulua.- KONTRATAZIOA.....	5
10.- LIZITAZIO PROZEDURA ETA ERA.....	5
11.- KONTRATATUA IZATEKO GAITASUN ETA KAUDIMENA.....	5
12.- DOKUMENTAZIOA ETA PROPOSAMENAK.....	5
1. GUTUN-AZALA: NORTASUNA, GAITASUNA ETA KAUDIMENA	6
2. GUTUN-AZALA: TXOSTEN TEKNIKOAK.....	7
3. GUTUN-AZALA: PROPOSAMEN EKONOMIKOAK.....	8
13.- PROPOSAMENAK AURKEZTEA.....	8
14.- ESLEITZEKO IRIZPIDEAK.....	8
15.- ESKAINTZAK SAILKATZEA ETA KONTRATUA ESLEITZEA.....	9
16.- KONTRATUA FORMALIZATZEA.....	10
III. Kapitulua.- KONTRATUA GAUZATZEA	10
17.- KONTRATISTAREN BETEBEHAR OROKORRAK	10
18.- KONTRATISTAREN LAN-BETEBEHARRAK.....	11
19.- SEGURTASUNA ETA OSASUNA	11
20.- KONTRATISTAREN ERANTZUKIZUNA KONTRATUA GAUZATU BITARTEAN HIRUGARRENGOEI EGINDAKO KALTEENGATIK	11
21.- KONTRATUAREN ALDAKETAK	11
22.- EKIPAMENDUA ETA BALIABIDE PERTSONALAK	11
23.- BALIABIDE TEKNIKOAK	12
24.- LANEN KONTROLA.....	12
25.- LANAK ONARTZEA.....	12
26.- ZIGORRAK KONTRATISTARI KONTRATUA EZ BETETZEAGATIK	12



27.- KONTRATUA SUNTSIARAZTEKO ARRAZOIAK	12
28.- DATU PERTSONALAK BABESTEIA	13
29.- KONTRATAZIO-ORGANOIA.....	13



I. kapitulua.- XEDAPEN OROKORRAK

1.- KONTRATUAREN XEDEA

Kontratuaren xedea, agiri teknikoan jasotako irizpide eta lehiaketa prozesuaren ondoren esleituak aurkeztu eskaintzan jasotako xehetasunen oinarri hartuta, Usurbilgo udalerriko jarduera ekonomikoetan sortutako atez ateko egurraren bilketa eta garraio zerbitzuaren kontratazio gisa definitzen da.

Pleguek kontratu izaera izango dute.

2.- KONTRATUAREN IRAUPENA

Asteroko lan bolumenari dagokionez, lizitazio honetan gutxi gora behera 5 orduko asteko lan orduak dira aurreikusi direnak. Ordu horiek kontratua sinatzen denetik bi urteko epean astero zerbitzatuak izango direlarik.

Prozedura honetan biltzen den zerbitzu honek hasiera kontratua sinatu eta hurrengo egunean izango du eta bi urteko luzapena izango du.

Kontratuaren amaieran, Garbitania Zero Zabor S.M.k horrela eskatuz gero eta gehienez urte beteko bi alditan (aldi bakoitzean Administrazio Kontseiluak horrela onartuz gero), esleitua zerbitzua luzatzera behartuta legoke, esleitu berri batek lan hauek burutzeko konpromisoa hartzen duen arte.

3.- KONTRATUAREN BALIO ZENBATETSIA

Kontratuan ezarritako gehienezko balio zenbatetsia 54.080 €-koa da (BERROGEITA HAMALAU MILA ETA LAUROGEI EURO), BEZ kanpo , eta bi urteko luzapena barne. Formulaz diren eskaintza ekonomikoek ezingo dute zenbateko hori gainditu.

4.- LIZITAZIO PREZIOA

Kontratuan ezarritako gehienezko lizitazio prezioa 52,00€/ordukoa da (BERROGEITA HAMABI EURO), BEZ kanpo . Formulaz diren eskaintza ekonomikoek ezingo dute zenbateko hori gainditu.

Prezioan kontratu honen xede diren lanak egitearen ondorioz sortuko diren gastu eta zerga guztiak sartuta daudela interpretatuko da.

5.- ORDAINTZEKO ERA

Ordainketa honela egingo da, dagokion faktura aldeztetik aurkeztu eta onartuta:

- Hilero tonen likidazioa egin ostean ordainketa legeak jasotako epeetan ordainduko dira, beti ere igorritako fakturaren data egunetik aurrera kontatuaz.

6.- PREZIOEN BERRIKUSTEA

Ez da preziorik berrikusiko



7.- BEHIN BETIKO BERMEA

Bere gain hartutako obligazioak beteko dituela bermatzeko, kontratuaren esleipenduna beharturik dago behin betiko bermea aurkeztera, esleitze-zenbatekoaren %5ekoa.

Berme hori aurkezteko epea hamar lan-egunekoa izango da, errekerimendua hartu eta biharamunetik zenbatuta, eta 3/2011 Errege dekretu legegilearen 96. artikuluan ezarritako edozein bide erabiliz egin ahal izango da hori.

Bermea itzultzea, 3/2011 Errege dekretu legegilearen 102. artikuluan xedatutakoaren arabera egingo da, berme-epea amaitu ondoren eta esleipendunak bere kontratuzko betebeharrak guztiak bete ondoren.

8.- KONTRATUAREN ARAUBIDE JURIDIKOA ETA JURISDIKZIO ESKUDUNA

Kontratuaren prestaketari, esleipenari, ondorioei, betetzeari edo iraungitzeari lotutako edozein arazori dagokionez, jurisdikzio zibilean soilik jarri ahal izango da errekurtsua.

Horretaz gain, sinatutako kontratuen ondorioen, betearazpenaren eta iraungitzearen inguruan gerta litezkeen desadostasunak konpontzeko, arbitrajera jo ahal izango da, abenduaren 23ko 60/2003 Legearen xedapenen arabera.

9.- KONTRATATZAILEAREN PROFILA

Gardentasuna eta Garbitaniak duen kontratazio jardueraren inguruko informaziora sarbide publikoa erdiestearren, eta beste publizitate bideak erabiltzea kaltetu gabe, lehiatzaileek Garbitania Zero Zabor S.M.ren kontratazio profilerara sarbidea izango dute honako helbide elektronikoa: www.garbitania.com

II. Kapitulua.- KONTRATAZIOA

10.- LIZITAZIO PROZEDURA ETA ERA

Kontratuaren lizitazioa eta esleipena PUBLIZITATERIK GABE PROZEDURA NEGOZIATU BIDEZ egingo dira, 3/2011 Errege dekretu legegileko 174, e) artikuluan ezarritako kasua baita.

Eskaintzen eskaria gutxienez kontratatuak izan daitezkeen hiru enpresei luzatuko zaio.

11.- KONTRATATUA IZATEKO GAITASUN ETA KAUDIMENA

Prozedura negoziatu honetan, aldezturik Garbitania Zero Zabor S.M.k gonbidaturiko, pertsona natural nahiz juridikoek parte har dezakete, espainiar nahiz atzerriarrek, jarduteko gaitasun osoa izan, kontratatzekeo debekurik ez badute, eta ekonomia, finantza, tekniko eta lanbide-arloan beren kaudimena egiaztatzen badute.

12.- DOKUMENTAZIOA ETA PROPOSAMENAK

1.- Eskaintzaile bakoitzak proposamen bakarra aurkeztu ahal izango du. Enpresa elkartuek ezingo dute banakako proposamenik aurkeztu eta, hori egiten badute, ez zaizkie onartuko ez banakakoak eta ez elkartearnak.



2.- Proposamen guztiak dagokien sarrera erregistroko dokumentuarekin aurkeztuak izango dira (I eranskina).

3.- Proposamenak hiru gutun-azaletan aurkeztuko dira, barruan ondorengo agiriak sartuko direlarik:

1. GUTUN-AZALA: NORTASUNA, GAITASUNA ETA KAUDIMENA

1.- 1.- 1. gutun-azalean, hauek sartuko dira:

a) Enpresaburuaren eta, hala balegokio, bere ordezkariaren nortasun juridikoa egiaztatzen duten agiriak.

Nortasuna honela egiaztatu daiteke:

- Enpresaburua pertsona juridikoa baldin bada, eraketa-eskritura edo agiria, estatutuak edo fundazio-egintza aurkeztuta, horietan agertzen badira beren jarduera erregulatzen duten arauak, hala balegokio, dagokion Erregistro Publikoan behar bezala inskribatuak eta Identifikazio Fiskalaren Zenbakia, zer-nolako pertsona juridikoa den kontuan izanda.

Enpresaburuak espainiarrak ez direnean baina bai Europako Erkidegoko kide diren estatuetako kideak, ezarrita dauden estatuko legeriaren arabera, dagokien Erregistroan inskribatuta daudela egiaztatu behar dute, edota zinpeko adierazpena edo ziurtagiri bat aurkeztuz, arauz ezarritakoaren arabera, Europar Erkidegoan aplikatu beharreko xedapenen arabera.

- Eskaintzaileak bere izenean badihardu, nortasun-agiria (NAN-DNI) aurkeztu behar du edo bere estatuan dagoen baliokidea.

- Beste baten izenean agertzen direnek edo proposamenak izenpetzen dituztenek NANen kopia aurkeztu behar dute, baita horretarako ahalorde askietsia ere. Enpresa pertsona juridikoa baldin bada, ahalorde horrek Merkataritza Erregistroan inskribatuta egon behar du.

b) Kontratatzeko debekuetan sartuta ez dagoela dioen aitorpena (II. eranskina). Aitorpen honetan indarrean dauden xedapenek ezarritako zerga-betebeharrak eta langileekiko betebeharrak (Gizarte Segurantza) egunean dituen adierazpena ere sartuko da.

Arestian aipaturiko betebeharren ordainketak egunean dituela egiaztatzeko agiriak behin betiko esleipena egin baino lehen aurkeztu behar ditu esleipena jasoko duen enpresaburuak.



c) Ekonomia-eta finantza-kaudimenaren egiaztagiria

Ekonomia eta finantza-kaudimenaren justifikazioa 3/2011 Errege dekretu legegileak 75. artikuluan ezartzen duenaren arabera egingo da, ondorengo agiriak aurkeztuz:

- Finantza-erakundearen ziurtagiria.

d) Kaudimen tekniko eta profesionala egiaztatzeako agiriak.

Kaudimen tekniko eta profesionalaren justifikazioa 3/2011 Errege dekretu legegileak 78. artikuluan ezartzen duenaren arabera egingo da, ondorengo agiriak aurkeztuz:

- Kontratuaren xedean jasotzen den atez ateko egur bilketan azken hiru urteetan egindako gutxienez lan baten deskribapena, hor sartuta lan horien zenbatekoa, datak eta horien hartzaile publiko eta pribatuak.

Baztertuta geratuko dira kontratuaren xedean zehazten diren egitekoak eginak dituztela egiaztatzen ez duten enpresen eskaintzak.

e) Kontratuaren inguruan zuzenean edo zeharka sor litekeen edozein gorabeheratarako atzerriko enpresek aitorpen bat aurkeztu behar dute Espainian edozein mailatako auzitegi eta epaitegien eskumenean jartzen direla adieraziz, eta, hala balegokio eskaintzaileak atzerrian izan lezakeen foru jurisdikzionalari uko egin diola adieraziz.

f) Jakinarazpenak egiteko posta elektronikoaren helbidea derrigorrezkoa izango da, eta modu honen erabilera lehentasunezkoa izango da.

g) Enpresaren IFZ zenbakiaren kopia.

Agiri horiek guztiak jatorrizkoak izango dira edo behar bezala egiaztaturiko kopiak.

2. GUTUN-AZALA: TXOSTEN TEKNIKOAK

Lizitatuak aurkeztu beharreko Txosten Teknikoak ahalik eta gehien zehaztuko du nola gauzatu kontratu honen xede diren lanak:

- Zerbitzua eskaintzeko ekipoaren deskribapena: ibilgailu mota eta langileak. (ikus plegu teknikoetako 4. puntua)
- Bilketa egutegi eta ordutegia. (ikus plegu teknikoetako 4. puntua)
- Esleipendunaren instalazio finkoetan edukiko diren erreserbako ibilgailuak eta ibilgailuen aberia nahiz programatutako geldialdietan zerbitzua zehaztutako egutegi eta ordutegian emateko aurreikusitako Jarraibideen Plana.
- Zerbitzua hobeto deskribatzeko beharrezko datu guztiak.

Tratamenduaren zuzeneko kudeaketa proposamena aurkeztu behar den kasuan:

- Bildutako egurraren garraio eta balorizazio sistemaren proiektu zehatza.
- Egur hondakinen tratamendu enpresa batek sinatutako erantzukizun aitorpena, non bere konpromisoa adierazten duen kontratua indarrean den bitartean



Usurbilgo udalerriko eremuan bildutako egur hondakinak hartu eta prozesatuko dituela, errekueratutako egur hondakinak balorizatzen bideratzeko berariazko konpromisoa barneratuz.

- Tratamendu enpresaren instalazioen deskribapen zehatza, bere aktibitatea burutzeko dituen baimenak eta azken balorizaziorako prozesatutako egurra bideratzen duen enpresa nagusien zerrenda.
- Fluxu ekonomikoa tratatutako egur tonako.

3. GUTUN-AZALA: PROPOSAMEN EKONOMIKOA

Proposamen ekonomikoa Baldintza Agiri honen III.ERANSKIN gisa agertzen den ereduari estu atxiki beharko zaio.

Agiri honetan kontsignaturiko prezioetan kontratu honek eragindako edo eragingo dituen gastu guztiak egon behar dute sartuta.

13.- PROPOSAMENAK AURKEZTEA

1.- Proposamenak aurkezteko **epea gonbidapena jaso eta hurrengo egunetik hasita 15 egun naturaletara** amaituko da. Garbitania Zero Zabor S.M. sozietateko bulego nagusietan aurkeztu behar dira (Puntapax kalea 10, behea - 20170-Usurbil. Gipuzkoa), bertan sarrerari erregistroa emanez.

Enkante-eskaintzaileak bere proposamena postaz bidaltzen badu, Postetxean bidalketa egin duen eguna justifikatu behar du eta egun berean eskaintza bidali duela jakinarazi posta elektronikoz (kudeaketa@garbitania.com). Bi baldintza horiek ez baldin badira betetzen edo bidali izanaren berri ematen duen jakinarazpena proposamenak jasotzeko jarritako epea amaitu ostean jasotzen bada, eskaintza hori ez da onartuko.

Dena den, jarritako epea igaro eta hurrengo hamar egun naturalak igaro ostean ez bada proposamena jaso, orduan ez da kasu batean ere onartuko.

2.- Gutun-azalak itxita, eta behar bezala sinaturik, aurkeztuko dira; gainean lehian parte hartzen duen enpresaren (edo enpresen) izena eta idazkun hau izango dute: "Publizitaterik gabe negoziaturiko prozedura Garbitania Zero Zabor S.M.k Usurbilgo udalerrian selektiboki jasotako egurraren bilketa eta garraioaren zerbitzua kontratatzeko".

Gutun-azal bakoitzean, gainera, edukia adieraziko da, honela

1. GUTUN-AZALA: NORTASUNA, GAITASUNA ETA KAUDIMENA
2. GUTUN-AZALA: TXOSTEN TEKNIKOAK
3. GUTUN-AZALA: PROPOSAMEN EKONOMIKOA

14.- ESLEITZEKO IRIZPIDEAK

Kontratua esleitzeko oinarritzat hartuko diren irizpideak, garrantzi handienekotik txikienera zerrendatuta eta egozten zaien ponderazioaren arabera, honako hauek dira:



1.- Eskaintako prezioa 70 puntu.

Onarturiko proposamenei dagozkien eskaintza ekonomikoen puntuazioa honela burutuko da:

- Eskaintzarik ekonomikoenak gehienezko puntuazioa izango luke (70 puntu)
- Litzitazioan jasotako prezioak zero puntu
- Gainontzeko eskaintzen puntuazioa aurreko bi baldintzen arabera sortutako proportzioaren arabera kalkulatuko dira.

Parte-hartzaileekin aipaturiko irizpide horiei buruz negoziatu daiteke, baita zentzu estuan kontratuaren xedeari dagokion edozein alderdi ekonomiko, tekniko edo/eta logistikori buruz ere.

2.- Esperientzia: 30 puntu

Egurra selektiboki atez-ate jasotzen izan duen esperientzia urteko 0.5 puntu emango dira gehienezko puntuazioa 30ekoa izanik.

15.- ESKAINTZAK SAILKATZEA ETA KONTRATUA ESLEITZEA

Egindako proposamenak ikusita eta, hala balegokio, parte-hartzaileekin beharrezko negoziazioak burututa, kontratazio mahaiak arrazoitutakoaren arabera, segida beherakorrean sailkatuko ditu aurkezturiko proposamenak, Baldintza Agiri honetan ezarritako esleitze-irizpideen arabera eta Garbitaniako Administrazio Kontseiluaren esku utziko ditu, berak hartuko baitu azken erabakia eta berak ezarriko baititu kontratuaren azken zehaztasunak.

Garbitaniako Administrazio Kontseiluak hartu erabakia, berak izendatutako pertsonak kudeatuko du. Pertsona honek, onuragarriena den eskaintza aurkeztu duen eskaintzaileari hamar laneguneko epea emango dio honako agiriak aurkez ditzan:

- Zerga-betebeharrak eta Gizarte Segurantzarekikoak egunean dituela egiaztatzen dituenak.
- Kontratua gauzatzera dedikatu edo atxikitzen konprometitu den baliabideak benetan badituela ziurtatzen dutenak.
- Laneko arriskuen prebentzioari buruzko dokumentazioari dagokionez honakoak:
 - Enpresak hartu duen prebentzioaren antolaketa moduaren ziurtagiria
 - Lan arriskuen ebaluazioa, bere jarduerari dagokionez
 - Beraien lanpostuan aritzeko langileen mediku-gaitasun ziurtagiriak (osasun zaintza).
 - Langileek, egiten duten jarduerari buruzko beharrezko informazioa eta prestakuntza jaso dutela egiaztatzen duen ziurtagiria.
 - Langileen lanpostuen jardueretarako beharrezkoak diren Norbera Babesteko Ekipamenduen entrega ziurtagiria eta hauek erabiltzeko beharrezko informazioa eta prestakuntza jaso dutela egiaztatzen duen ziurtagiria.
 - Lanak egingo dituzten langileen zerrenda



- Langileen TC2 eta TC2 kotizazio agiriak eta Gizarte Segurantzari kuotak ordaintzen direla ziurtatzen duten agiriak
- Erantzukizun zibileko polizaren kopia. Bere estaldura gutxienez 300.000 eurokoa izango delarik.
- Ibilgailuen seguruen kopia.
- Behar den kasuan enpresa elkartuaren eratzearen ziurtagiri legala
- Era berean EJZn kontratuak duen helburuari dagokion epigrafean alta emanda dagoela ziurtatu beharko du, horretarako alta edo azken erreziboaren aurkeztu beharko duelarik.
- Behin betiko bermea eratu duela egiaztatzen duen agiria.
- Hondakin ez arriskutsuak bildu eta garraiatzeko homologazioa duela ziurtatzen duen agiria.
- Deskribatutako hondakina bildu eta garraiatzeko Eusko Jaurlaritzako Ingurumen eta Lurralde Politikako sailak Hondakin eta Lur kutsatuen 22/2011 Legean jasotako aktibitateak aurrera eramateko beharrezkoak diren baimen eta erregistroen jabetzan dagoela ziurtatzen duten agiria

Dokumentazio hori jaso ondorengo bost lanegunen barruan esleituko du kontratua kontratazio-organoak.

16.- KONTRATUA FORMALIZATZEA

Garbitaniako organo eskudunak esleipena egin eta hori jakinarazi ondoren, kontratua administrazio-dokumentuan formalizatu behar du. Esleipendunak gehienez ere hamabost laneguneko epean, kontratuaren sinatzea burutu behar du eta agiri hori aski titulu izango da edozein erregistro publikotara iristeko.

Kontratistari egozteko moduko arrazoiengatik kontratua ez bada formalizatzen aipaturiko epearen barruan, Garbitaniak suntsiaraztea erabaki dezake, baita behin betiko bermea bahitu edo konfiskatzea ere.

Kontratua formalizatzeko ekitaldi berean, kontratua izenpetzeaz gain, esleipendunak Administrazio Klausula Berezien Agiria eta Baldintza Teknikoen Agiria izenpetuko du, horrela agertuz baduela horien berri eta ados dagoela.

Kontratua formalizatzea ezinbesteko betebeharra izango da edozein ordainketa bideratzeko.

III. Kapituluak.- KONTRATUA GAUZATZEA

17.- KONTRATISTAREN BETEBEHAR OROKORRAK

1.- Kontratuaren esleipendun den pertsona, enpresa edo Enpresen Aldi Baterako Elkarte behartuta dago hitzartutako lanak ezarritako epeetan egitera.

2.- Lanak onarturiko Baldintza Agiriak, aplikatzekoa den araudi orokorra eta, nolana ere, kontraturiko lanen izaerari dagozkion erregela teknikoak zorrotz beteta egin behar dira.



3.- Esleipenduna, egiten dituen lanen eta ematen dituen prestazio eta zerbitzuen kalitate teknikoaren erantzule izango da.

18.- KONTRATISTAREN LAN-BETEBEHARRAK

Lan arloan, gizarte-segurantzaren eta laneko segurtasun eta osasunaren arloan 31/1995 Legeak —azaroaren 8koak, Laneko Arriskuen Prebentzioari buruzkoak— araututa indarrean dauden xedapen guztiak bete behar ditu kontratistak, berea bakarrik izango delarik lan-istripuen inguruko erantzukizun osoa.

Kontratistak ez baditu betebeharrak hauek betetzen, Garbitaniak ez du inolako erantzukizunik izango.

19.- SEGURTASUNA ETA OSASUNA

Kontratuaren xede den zerbitzu-ematearen eremuan segurtasun eta osasunaren erantzulea kontratista denez, aplikatzekoak diren arau juridikoak eta teknikoak beteko ditu.

Garbitania Zero Zabor S.M.k eskubidea izango du prebentzio-arloan egokia iruditzen zaion dokumentazioa eskatzeko kontratuak irauten duen bitartean.

20.- KONTRATISTAREN ERANTZUKIZUNA KONTRATUA GAUZATU BITARTEAN HIRUGARRENGOEI EGINDAKO KALTEENGATIK

3/2011 Errege dekretu legegileak 214. artikuluan xedatutakoaren arabera, kontratista izango da kontratua gauzatzeko behar diren eragiketen ondorioz sortzen diren kalteen erantzulea.

21.- KONTRATUAREN ALDAKETAK

Garbitaniak kontratua aldatu ahal izango du, interes publikoagatik edo ustekabeko kausak sortzen direnean, eta kontratistak ez du inolako kalte-ordainetarako eskubiderik izango, betiere 3/2011 Errege dekretu legegileak 105etik 108 bitarteko artikuluetan ezartzen duenaren kalterik gabe.

Erreferentzia modura, gaur egun astean behingo bilketa maiztasunarekin jaso ohi den egur hondakin kopuruaren batez bestekoa 2,5 tonakoa da. Datu honen maximo historikoa 5,34 tonakoa da eta minimoa berriz 1,02 tonakoa. Maximo edo/eta minimoak 8 astez jarraian errepikatzen diren unean kontratuaren berrikusketa eta aldaketa burutuko da. Aldaketa horretan ordu kopurua aldatuko bada ere orduko prezioak ez du aldaketarik izango.

22.- EKIPAMENDUA ETA BALIABIDE PERTSONALAK

1.- Kontratistak proposaturiko tresneria eta baliabide pertsonalekin egin behar ditu lanak, une oro erantzunez lan horien martxan sortzen diren premiei.

2.- Lan, gizarte-segurantza eta laneko segurtasun eta osasunaren arloan indarrean dauden xedapen guztiak bete behar ditu kontratistak, eta Garbitaniak ez du inolako erantzukizunik izango kontratistak ez baditu betetzen.



23.- BALIABIDE TEKNIKOAK

- 1.- Kontratastak bere proposamenean sartutako baliabide teknikoak ere jarri behar ditu eta, oro har, lanak ongi gauzatzeko beharrezko guztiak.
- 2.- Eskaintzan sartutako baliabide teknikoak ordeztuko, Garbitaniak onespena eman behar dio, aurrez proposamen justifikatua aurkeztuta.

24.- LANEN KONTROLA

Lanak eta batez ere materialaren kalitate kontrolak Garbitaniako ekipoen teknikoaren parte-hartzearekin egingo dira.

25.- LANAK ONARTZEA

- 1.- Kontratuaren xede den prestazioa amaitzen denetik gehienez ere 30 eguneko epean bere onarpenaren egintza formal eta positiboa egingo da.
- 2.- Entregaturiko lanek ez badituzte onartzeko behar diren baldintzak betetzen, dagozkion aginduak emango zaizkio esleipendunari aurkitutako akatsak zuzen ditzan eta horretarako ezarritako epean bere obligazioak bete ditzan, eta agindu horiek bete arte ez zaizkio lanak onartuko. Emandako epean ez baditu aginduak betetzen, kontratua deuseztatu egingo da eta fidantza galduko du.

26.- ZIGORRAK KONTRATISTARI KONTRATUA EZ BETETZEAGATIK

A) KONTRATUA GAUZATZEKO EPE OSOA

Kontratista, berari dagozkion arrazoiengatik, atzeratu egiten bada kontratua betetzeko zuen epe osoa betetzen, Garbitaniak kontratua suntsiaraztea erabaki dezake, kontratastak bermea galduko duelarik, edota eguneko zigorra ezar diezaioke kontratastari: 0,20 € kontratu-prezioaren 1.000 euro bakoitzeko.

Berandutzagatik zigorrak kontratu-prezioaren %5eko multiplora iristen diren bakoitzean Garbitaniak ahalmena izango du erabakitzeke kontratua suntsiaraztea, kontratastak bermea galduko duelarik, edota zigor berriak ezarriz kontratua gauzatzen jarraitzea.

B) PRESTAZIOEN GAUZATZE PARTZIALA

Kontratastak, berari egotz dakizkiokeen arrazoiengatik, kontratuan zehazturiko prestazioen epe partzialak bete ez baditu, Garbitaniak kontratua suntsiaraztea erabaki dezake, kontratastak bermea galduko duelarik, edota zigorra jar dezake: kontratuaren prezio osoaren %10ekoa.

27.- KONTRATUA SUNTSIARAZTEKO ARRAZOIAK

Kontratua suntsiarazteko arrazoiak 3/2011 Errege dekretu legegileak , 223. eta 308. artikuluetan ezarritakoak dira.

28.- DATU PERTSONALAK BABESTEIA

Kontratua betetzeko tratamendu automatizatua duten datu pertsonalak erabili behar baditu enpresa esleipendunak, hori abenduaren 13ko 15/1999 Lege Organikoak (datu pertsonalen babesari buruzkoak) ezarritakoa betez egingo da.

Kontratuari esker lortu dituen datu pertsonal automatizatuak Garbitaniak agindutakoaren arabera tratatuko ditu enpresa esleipendunak, eta ezingo ditu aplikatu edo erabili kontratuan agertzen den helbururako baizik, ezta laga ere beste pertsona batzuei, nahiz eta gordetzeko izan.

Enpresa esleipendunak, kontratuaren xedapenak bete gabe, beste helburu baterako bideratu, jakinarazi edo erabiltzen baditu datuak, horien tratamenduaren erantzuletzat joko da, eta horrela berak erantzun beharko du egin dituen lege-hausteei buruz.

29.- KONTRATAZIO-ORGANOIA

Kontratazio organoa Garbitania Zero Zabor S.M.ko Administrazio Kontseilua izango da.

Prozeduraren tramitazioa aurrera eramateko Kontratazio Mahaia ahalmentzen da, bere konposaketa kontratazio organoak berak izendatuko duelarik. Azterketa, aholkularitza, proposamen eta sostengu teknikoa Kontratazio Mahaia burutuko dutelarik.

EGINBIDEA.- Baldintza Agiri hau GARBITANIA ZERO ZABOR S.L. Administrazio Kontseiluak onartu zuen, 2014ko otsailaren 12an egindako bilkuran.

Usurbilen, 2014ko otsailaren 14an.

LEHENDAKARIA

GERENTEA



ERANSKINA:

I PROPOSAMENA ERREGISTRAON AURKEZTEKO MODELOA

.....jaunak/andereak,NAN zenbakidunak, bere izenean edo, horrela bada, enpresaren izenean eta ordez, (honek egoitza soziala.....(e)n eta CIF-IFK-zka. duelarik) eta helbide elektronikoa duenak zera

ADIERAZTEN DU:

..... egunean eta orduan, "Garbitania Zero Zabor S.M.k Usurbilgo udalerrian selektiboki jasotako egurraren bilketa eta garraioaren zerbitzua kontratatzeko" abian jarri duen lehiaketan parte hartzeko proposamena jasotzen den 3 gutunak aurkeztu dituela.

Usurbilen, 2014koen.....an.

Aurkezlearen sinadura



II KONTRATATZEKO DEBEKUAN SARTUTA EZ DAGOENAREN AITORPENA

(eredu honen aurkezpena derrigorrezkoa da).

..... jaunak/andereak, NAN zenbakidunak, bere izenean edo, (adierazi ordezkaritza mota: administrari bakarra, apoderatua...) , enpresaren izenean eta ordez, (honek egoitza soziala.....(e)n eta CIF-IFK-zka. duelarik) zera

ADIERAZTEN DU:

Bere erantzukizunpean adierazten duela berak ordezkatzen duen enpresa ez dagoela, indarrean dagoen legeriaren arabera, kontratuak egiteko debeku-kasuetan sartuta.

Bera eta ordezkatzen duen enpresa zerga eta Gizarte Segurantzak ezarritako betekizunetan egunera daudela.

Eta behar den tokian behar diren efektuak izan ditzan aitopen ahu sinatzen duen 2014kon.....n.

Sinadura eta enpresaren zigilua



III PROPOSAMEN EKONOMIKOA-EREDUA

..... jaunak/andereak adinez nagusia,(e)n bizi dena eta N.A.N-zka..... duena),
.....(r)en izenean eta ordez (honek egoitza soziala.....(e)n eta CIF-IFK-zka..... duelarik) zera

ADIERAZTEN DU:

Lehena.- Ezagutzen dituela GARBITANIA ZERO ZABOR S.M.k USURBILGO UDALERRIAN SELKETIBOKI JASOTAKO EGURRAREN BILKETA ETA GARRAIOAREN ZERBITZUA KONTRATATZEKO Administrazio-Klausula Partikularren eta Baldintza Teknikoen Agiriak.

Bigarrena.- Bere erantzukizunpean adierazten duela berak ordezkatzen duen enpresa ez dagoela, indarrean dagoen legeriaren arabera, kontratuak egiteko debeku-kasuetan sartuta, badituela behar hainbat gaitasun juridiko eta bitarteko aipaturiko lanak egiteko eta betetzen dituela kontratu honetarako eskatzen diren baldintza espezifikoak.

Hirugarrena.- Esleipendun gertatuz gero, onarturiko Agirietako baldintza eta betebeharrei zorrotz jarraituz egingo dituela lanak.

Laugarrena.- Aipaturiko lanak guztira prezio honetan egitera konprometitzen dela:

1)(letraz eta zenbakiz).....euro/orduko, gehi.....€, BEZaren %ari dagozkionak.

2) Lau urteetarako zerbitzurako guztizko kopurua:

.....(letraz eta zenbakiz).....euro, gehi.....€, BEZaren %ari dagozkionak.

(Data eta sinadura)